

Instituto Estatal de Chihuahua, IEE/CE48/2017 ma, je riká aní:

Sinéami umukí o rarámuri Chiwáwa peréami mápi nuráami nínari, a bajurériwa kíti bisirénte municipal, regidor o síndico neráa nocháma. Je reká berá bajurériwa suumá municípiochi, jenaí estado Chiwáwa. Bikía bamíbari sebárika nocháma re; 2018 inárachi chotáma, ámi 2021 kuwaníma re.

## **KÚMI JÓNSA IWÉRA UCHÚWI NA RA'ÍCHARI**

**BACHÁWAARA: Píri newaré échi mápi bisirénte municipal, regidor o síndico nínari ko.** Je riká aní artículo 21 a'rí 127 Constitucionchi Política del Estado Libre y Soberano de Chihuahua osirúame, a'rí 8, na artículo ko Léichi Electoral del Estado osirúa chukú:

- I.** Méjiko a'rí Chiwáwa si betéami níisa re.
- II.** Osá makóí biré bamíbame níisa re. Mápi bisirénte municipal nínari ko osá makóí bamíbame níisa re.
- III.** Choná municípiochi a betéami níisa re, mápi oná mi re'éa isímaa re. Ma usáni mechérisa re choná. Biréana cho nochása ka, ayéna a risénsia ju.
- IV.** Ke tási pári níisa re, ni biré chiriká mi nóchaa isísa re.
- V.** Ke sinéti bachárami níisa re komeráchi. Mápi re bachárami níisa ko, ma makóí bamíbari simárisa re mápi arí jónsa chikíri.
- VI.** Ke tási nochása re munisípiochi, estádochi o ke tási servidor público federal níisa re. Mápi re nuráami nínara ka, échi nóchari rewésa re kíti chotáma bajuréa ajarécho rarámuri kíti ku'írotami níima.
- VII.** Tási wa'rúara bisirénte níisa re comitéririchi ejecutivo nacional, ni biré estádochi o munisípiochi ma. Ni biré wa'rúara nuráami níisa re biréana partido polítikochi. Je riká níisa ko, ma bikía bamíbari simárisa re kíti a chécho uméroma bajuréa. Ke sinéti candidato níisa re.
- VIII.** Credencial níwiame níisa re.
- IX.** Ke tási Magistrado del Tribunal Estatal Electoral níisa re, mápi re je riká mi nocháa isíisa ko, ayéna a uméro simiyá choná jónsa, ma ke nóchaka, je riká berá aní

artículochi 107, numerálchi 2, mápi rikámte Léichi General de Instituciones y Procedimientos Electorales osirúa uchúwi.

**X.** Ke tási bisirénte neráa nocháma choná Instituto Estatal Electoralchi, ni biré ra'ámamti níisa re choná cho, narí be ayéna a uméro choná jónsa machíina, je reká berá aní artículochi 100, numerálchi 4, mápi rikámte Léichi General de Instituciones y Procedimientos Electorales osirúa uchúwi, a'rí

**XI.** Osaká nijísa re suwába namúti mápi níwi: karí iyíri, toróka, wáasi ma, ayéna cho chu kípu wenomí méa chukú. Ayéna cho nijíma biré osirúame mápi oná animéa mápi ke tási níwi antecedentes penales aneríame.

**OKUÁNARA. Elección consecutiva aneríame.** Sinéami pakótami mápi wéara nuráami riká nócha uchúwi ko, ayéna a uméro chécho jarécho bamíbari chiriká ku nóchaa mápi re a'rá ku'írotami níisa ka.

Mápi re je riká che ku nochánarisa ko, suwábaka namúti a sebárisa re, kíti a che ku bajuréma ajarécho rarámuri, umukí ma kíti ku'íritami níima.

Mápi bisirénte municipal níinari a'rí mápi síndico níinari ko, a berá rewésa re échi nóchari bijí ba, kíti ko a ku'íriri áa ináma re. Ma kuwanísa ko suwábaka namúti a uméro chécho choná ku nóchaa.

Jápi regidor níinari ko choná ayuntamientochi, binói a animéa átsa choná a nóchaka isínari suwábaka namúti.

Bisirénte municipal, síndico a'rí regidores mápi chécho chiriká ku nochánari ko, ma a'rá ro'árami níisa re oseríchi choná municipiochi a. Mápi re planilla aneríame a nirúrisa ko, sinéami mápi chiriká a bajuréa éena, a risénsia níima mápi kíti candidatos o candidatas yua jároma, ayéna cho mápi ke kaséana candidatos ju.

**BIKIÁNARA. Oserí mápi néwarería.** Kíti a uméroma bisirénte, regidor o síndico reká nóchaa ko, je iyíri oserí néwaré:

**I.** Biré oserí nijísa re mápu oná osiméa mápi bisirénte municipal, regidor a'rí síndico níinari. Ayéna cho biréana "*Formato MA01*" aneríame oná osisá re. Choná ko osirúa uchúmaa rewará, mápi riká credensíalchi chukú, kúmi oná nochása níri, biré firma o makúsuwa wa'ró sa'péami jiyéara, kúmi oná beté, clave elector ayéna cho néwaré (upáka osirúa chukú credensíalchi), tiléjono mápi oná ra'íchipa, coreo electróniko a

níwisa ka, osisá re átsa rejói o mukí ju, a'rí ko mápi re níwisa ko sinú rewará, (seudónimo aneríame).

**II.** Ma a'rá osisáa choná oseríchi mápu bisirénte municipal, regidor a'rí síndico nínari, ayéna cho néwarería:

**a.** Biré copia mápi oná osirúa chukuméa mápi biré asociación civil ku'íronari kíti biré rejói o mukí diputado o diputada níima. Jépu na asociación ko a níwisa re wa'rúara nuráame a'rí biré wenomí taráami. Suwábaka namúti we a'rá osirúa uchúusa re ne mápi riká aní Lineamiéntochi, (na ko birécho oserí ju).

Mápi re pagótami chécho nuráami nínara ka, ayéna a umero échi asociación ku'íriri tania, narí be suwábaka namúti a'rá natéami níisa re bijí ba.

**b.** Biré cópia mápi oná animéa mápi Servicio de Administración Tributáriachi a'rá rekárami ju.

**c.** Ayéna cho néwarería jaré oserí aníame mápi mi bikianá a umérosa re wenomí bánkochi mo'áa, narí be échi Asociación Civil rewará chukusá re.

**d.** Osirúame mápi oná animéa mápi suwábaka namúti a bichíwari ju, ayéna cho animéa mápi a uméro je riká mi re'éa isía, ne mápi riká aní artículo 21, Constitución Locálchi osirúa uchúwame, choná "*Formato MA02-A*" ayéna cho osisá re.

**e.** Ayéna cho osiméa, aniká mápi ke tási níwi antecedentes penales aneríame, mápu riká aní artículo 8, numeralchi 1, inciso d), choná ley electoralchi. Ayéna cho a'rá riwíika artículo 41, fracción V mápi Constitución Locálchi osirúa uchúwi, choná "*Formato MA02-B*".

**f.** Kópia credencial, bacháami a'rí upáka si. Choná kópiachi ko a bujása re, échi mápu bisirénte, regidor a'rí síndico ma nínari, ayéna cho representante legal aneríame a'rí mápi winomí taráami níima re.

**g.** Ayéna a uméroma "*Formato D03*" e'néka osayá a'rí náyiría kíti a'rá suwábaka namúti ruwétami níima choná correo electrónico aneríachi.

**h.** Biré oserí aníame chu ikí namúti níwi, mápu reká karí, toróka, ajarécho namúti ma, we a'rá katéwika nijísa re. Jépu na ko choná "*Formato MA04*" bochíwika a'rá níima.

- i. Máu re ke tási níwisa ka na namúti, upáwara declaración fiscal aneríame nijísa re, na oséri ko machí pasía SATchi aneríachi.
- j. Ayéna cho néwarería biré oserí aníame mápi mi a'rá wenomíwíame ju, firma autógrafa náti. Suwábaka oserí nijíma mápu oná Sistema Nacional de Registro de Precandidatos y Candidatos nijíwa, ayéna cho oserí mápi Instituto Nacional Electoralchi nijísa re, na oserí ko Aspirantes y Candidatos Independientes rewéami ju (SNR).

**NAYÓANA. Sistema Nacional de Registro.** Bachá ko naí simisá re échi rejói o mukí mápi diputado níinari kíti internétachi rekárami níima, a'rí kíti biré folio aneríame ába, kíti choná SNR aneríame bakiméa na ko ju, <https://candidatosnacionales.ine.mx/snr/>.

Ma a'rá bochíwisa ko suwábaka namúti, ke tási cho mi candidato ju, candidato mi kayenáma mápi arí Instituto Estatal Electoral échi riká mi ané.

Mápi re mi jaré namúti ke mo'áa ka échi SNR kítera, a simása re chimí Coordinación de Prerrogativas y Partidos Políticos del Instituto Estatal Electoral o ayéna cho a uméro ra'íchaa (614) 432-19-80, jarécho número si mi tánipa re extensiones aneríame, na ko ju 2050 a'rí 2075. Ke mi nijéwiwa ko choná a mu uméro chi ra'íchaa Unidad Técnica de Fiscalización del Instituto Nacional Electoral mápi Dirección de Programas Nacional chéa wirí. Mápu oná mi ra'ichása re ko ju 01-55-55-99-16-00, jarécho número si mi tánipa re extensiones aneríame, na ko ju na ko ju 423116 a'rí 423127.

Suwábaka oserí mápi mi bochíwisa re ko, mapi rikámiti Estatutos de la Asociación Civil aneríame, a mu riwiméa internétachi [www.ieechihuahua.org.mx](http://www.ieechihuahua.org.mx), ayéna cho chimí Institútochi. Na karí ko wirí División del Norte, número 2104, colonia Altavista, Chiwáwa. Ayéna cho mu riwiméa suwábaka oserí, échi mi karí municípiochi jáwaami.

**MARÍANA. Kabú a'rí kúmi mu nijíma suwábak oserí.** Suwába oserí ko mu nijíma marí jónsa inárachi mechá diciembre. Ke tási narépa re oserí ko besá makói inárachi mechá diciembre, 2017 bamíbari. Na rawé simírisa ko ma ke namúti narépa re.

Suwábaka namúti ko mi nijíma chimí Consejo Estatal o Asamblea Municipalchi Institútochi nirúame.

Oserí mápu mu asamblea municipalchi nijíma re ko, marí inárachi, mecha diciembre 2017 bamíbari nijísa re. Choná internétachi berá a néwariwéríma re ba, kítí mi a e'néma.

**USÁNIANA. Kabú animéa átsa uméroma re'éa isía.** Consejo Estatal del Instituto Estatal Electoral ko a mi anéma murípi makóí naó mechá enero, 2018 inárachi átsa mi uméroma bisirénte, regidor a'rí síndico riká áa isía.

**KITSÁOANA. Rarámuri a'rí umukí ku'írara.** Mápi arí mi ma a'rá ruyétami níisa ko, a mi umpáma ku'íriri áa sinéami rarámuri níwara, makóí marí inárachi mechá enero, áami usáni inárachi mechá febrero, 2018 bamíbari.

**OSÁ NAÓANA. Kípu ku'íriri mu néwaré.** Wiká firmas aneríame mu napabúsa re, mápu riká aní artículo 205 mápi Ley Electoral del Estado de Chihuahua osirúa chukú. Ayéna cho chiriká aní lineamiéntochi. (Na oserí ko mi biréana cho riwiméa).

**KIMAKÓANA. Wenomí kítera.** Ku'íriri sinéami níwara ko a mi ása re wenomíti mápi náti a risénsia ju. Suwába wenomí mápi mu néwarema re ko, ke tási ne wiká níisa re. Lineamiéntochi berá a'rá osirúa uchúwi je iyíri ra'íchari ko. Consejo Estatal Electoral berá chiriká nurá ba.

**MAKÓANA. Kabú mi táma kítí suwábaka oserí e'nérami níima.** Ayéna mi anéma Instituto Estatal Electoral mápi suwábaka oserí nijírami a e'nérami níima. Na ra'íchari ko mi bochíwima "Formato MA05" oná. Na ra'íchari ko a mi nájwima kitsáo inárachi mechá febrero áami makóí biré inárachi na mechá cho, 2018 bamíbari. Na oserí ko a níwisa re cho:

- I. Osirúa uchúmaa, níwiame a'rí suplente rewará, firma aneríame ayéna cho, makúsuwa wa'rú sa'péami jiyéara ma.
- II. Kúmi a'rí kabú nawári jenaí kawichí.
- III. Kúmi beté a'rí chu kirípi betéríma re échi oná.
- IV. Correo electrónico aneríame.
- V. Kúmi nóchaame ju.
- VI. Clave de elector choná credencialchi chukúami.
- VII. Kúmi rikámiti nochása níri.

- VIII.** Representante legal rewará; kúmi oná betéami ju, a'rí tiléjono mápi oná ra'íchipa.
- IX.** Wenomí tibúame rewará, kúmi beté, chu rewéami ju.
- Ma a'rá nijísa ka suwáka oserí tánitami ko, ayéna cho nijíma:
- I.** Birécho osirúame mápi oná animéa chu oráa mu bisirénte, regidor o síndico níinari, na oserí ko mi "*Formato MA06*" jónsa machí pátami níisa re.
- II.** Biré copia aneríame acta nacimiento níwara, credencial ayéna cho, jépu na okuá oserí ko néwariwerisa re okoná; bacháami a'rí upáka si.
- III.** Ayéna cho mi nijíma plataforma electoral aneríame, aniká chu riká mi nocháma re, kúmi ma.
- IV.** Ayéna cho mu newaré biré oserí mápi oná osirúa uchúmaa kúmi mu mo'áma wenomí kíti ko mi waná neráa nocháma re.
- V.** Biré oserí mápi oná osirúa uchúmaa chu kípú mu wenomí mu suwáari, ayéna cho chu kípú mu wenomí áiru, aniká kúmi mu suwáari suwába wenomí.
- VI.** A mu nijíma cho biré oserí ne bichíwari aniká. Na oserí ko "*Formato D07*" jónsa machí pámaa, a'rí ko je animéa:
- a.** Kúmi peréami ju échi mápi tamí ku'íroma re, ayéna cho chu kirí perérima re échi oná mápu oná aníri.
- b.** Biré oserí mápi oná mu osiméa mápi mu ke tási narémaa wenomí chátiara ko, jarécho nijíara ke re.
- c.** Tási bisirénte níisa re comitéririchi ejecutivo nacional, estádochi o munisípiochi. Ni biré nuráami níisa re biréana partido polítikochi. Je riká níisa ko, ma bikía bamíbari simárisa re kíti a chécho uméroma bajuréa. Ke sinéti candidato níisa re.
- d.** Ke tási mi candidato o candidata neráa eyénasa rewéiri, ke biré kaséana. Ke biré partido polítikochi.
- e.** Ke namúti mu wekaká inása re, ke biré kaséana.
- VII.** Ayéna cho mu nijíma biré oserí, osaká mápi mi a risensia nijí kíti wenomí bánkochi muchúwaami ajarécho nuráami e'néma. Na ra'íchari ko mi "*Formato MA08*" jónsa bujanáma, narí be mo binói osimeá ba.

- VIII.** A mu néwaré biré emblema aneríame, oseríchi uchárame a'rí biréana cho katewárami (komputadórachi ke re). Na emblema ko a'rá yókitami níisa re, a'rí a machibóa chu yíri planilla aneríami níwara ju; ayéna cho:
- a. Kúmi mu newáma: *Illustrator* náti newárami níisa re, komputadórati.
  - b. Chu uchurú níisa re: Marí sentímetro ka'éna, marí sentímetro ko'ná.
  - c. Chú yíri níima échi emblema aneríame: Vectores aneríame neráa newárami níisa re.
  - d. Chu iyíri níisa re: Ma a'rá newásiwa ko, ma ke tási namó orása re.
  - e. Chu iyíri yókitami níisa re: we a'rá mu riwisá re chu yéna ko sitákame, chókame, sawarówame, ajarécho ma ju.
  - f. Choná emblemachi ko, ke tási chukusá re échi candidato o candidata chu'ará. Sinú níisa re, tási mápi yíri partido político níwi o Instituto Estatal Electoral o Instituto Nacional electoral ma, ni biré mápi ta bichíkiá járo, ke biré je iyíri namúti níisa re.
- IX.** Ayéna cho mi nijíma biré copia aneríame, mápi oná néwaré bacháami a'rí upáka échi credencial para votar aneríame. Na credencial ko, mápi mi ku'írima níwara níisa re, ayéna cho échi rejói o mukí jápi wenomí taráma re. A mi osiméa cho, kúmi riwibóa na pakótami, kúmi peréame ju.
- X.** A mi uméro nijía jarécho oserí mápi oná a osirúa uchúmaa sinéami rewará mápi mi ku'írori.

**MAKÓANA BIRÉ. Kabú e'néba re suwábaka oserí nijírame.** Suwábaka oserí mápi nijírame níiri ko, a e'néba re makói okuá inárachi mechá febrero jónsa, áami makói osá nayó inárachi mechá marzo, 2018 bamíbari.

**MAKÓANA OKUÁ. Kabú animéa jáwaami átsa mi uméro candidato independiente níiya.** Consejo Estatal del Instituto Estatal Electoral ko a ra'icháma átsa uméara rarámuri o umukí candidato níiya kíti bisirénte, regidor a'rí síndico níima. Je riká ra'ichama áami makói kimakói inárachi mechá marzo, 2018 bamíbari.

**MAKÓANA BIKÍA. Candidato ro'aríachi.** Mápi arí échi candidato ro'ába re oseríchi ko, a níima re osá makói inárachi mechá marzo, kuwanía áami besá makói chiyéna cho a inárachi, 2018 bamíbari. Je reká ro'ába re oseríchi kíti a Proceso Electoral Localchi 2017-2018 mo'iméa.

**MAKÓANA NAYÓ. Suwába namúti mápi mi uméro táa.** Suwábaka namúti mápi mi náti nocháma re ko a'rí suwábaka derechos mápi mi níwi ko Leychi Electoral del Estado de Chihuahua a osirúa uchúwi.

**MAKÓANA MARÍ. Suwába namúti mápi osíru.** Suwábaka oserí mápi oná mo rewará osirúa uchúwi, ajarécho pakótami rewará ma, ayéna berá we a'rá tibúka orába re, kíti ke wési machiméa o suwé oráma. Je iyíri ra'íchari ko a osirúa uchúwi Ley General de Protección de Datos Personales, Ley de Protección de Datos Personales Del Estado de Chihuahua a'rí Aviso de Privacidadchi. Ayéna cho mu a riwiméa <http://www.ieechihuahua.org.mx>, échi namúti osirúame tibúriwame ko.

**MAKÓANA USÁNI. Namúti ke anirúame ko.** Suwábaka namúti mápi ke tási osíru naí ko, Consejo Estatal del Instituto Estatal Electoral de Chihuahua a karéwima, abói a ra'íchaka.